

AVISU PÙBBRICU



COMUNU DE BIDDASPITZIOSA **UFÌTZIU SERBÌTZIUS SOTZIALIS**

Prot. n. 239 de su 09/01/2020

Si fait sciri a is tzitadinus interessaus ca de su **09/01/2020 e fintzas a sa 1 de su 17/02/2020** si podint presentai is demandas po intrai in su **REIS** (Rèdditu De Inclusioni Sotziali)- biènniu 2019-2020, disciplinau de sa L.R. 18/2016 po agiudai is famillias chi tenint barrancu econòmicu.

Po intrai in su REIS, sa famiglia depit tenni is titulus afatantis:

A) RESIDÈNTZIA

Is nùcleus familiaris depint arresurtai residentis in su Comunu de Biddaspitziosa, mancai su nùcleu familiari tengat una persona sceti, is famillias de fatu puru, bastit chi siant cunviventis de ses mesis, e chi unu cumponenti siat residenti, assumancu de binticuattru mesis, in su territòriu de sa Regioni Sardinna. Po is emigraus chi ndi funt torrendi e su nùcleu familiari insoru, no ballit su titulu de sa residèntzia de binticuattru mesis.

B) RÈDDITU E PATRIMÒNIU

- Possessu de s'atestatzioni ISEE 2020 chi depit èssiri prus pagu de 9.360,00 èurus.
- Valori de su patrimoniu immobiliari, cumentu definiu a is finalidadis ISEE, diferenti de sa domu anca si bivit, no prus artu de 35.000,00 èurus.
- Valori de su patrimoniu mobiliari, cumentu definiu a is finalidadis ISEE, no prus artu de 8.000,00 èurus crèsciu de 2.000,00 po dònna cumponenti de su nùcleu familiari in prus de su primu, fintzas a no prus de 12.000,00 èurus, crèsciu de atrus 1.000,00 èurus po dònna fillu in prus de su segundu; custus massimalis funt crèscius de 5.000,00 èurus po dònna cumponenti cun disabilitadi e de 7.500,00 èurus po dònna cumponenti cun disabilitadi manna o chi no est autosuficienti.

C) VETURAS E IMBARCATZIONIS

- Mancunu de is cumponentis de su nùcleu familiari depit tenni veturas e/o imbarcatzionis, immatricolaus po sa primu borta in is 24 mesis innantis de èssiri fatu sa domanda, foras de is veturas o is motocicletas chi tenint unu favoressimentu fiscali po is personas cun disabilitadi.

Mancunu de is cumponentis su nùcleu familiari depit tenni imbarcatzionis po spàssiu.

D) INCUMPATIBILIDADI DE SU REIS CUN SU RÈDDITU DE TZITADINÀNTZIA

- Su Rèdditu de tzitadinàntzia e su REIS funt incumpatibilis, duncas, a chini pigat su Rèdditu de tzitadinàntzia no ddi spetat su REIS.